



Көшелі елдің көшеті қурамауы қажет

Үкімет Президенттің тапсырмасы бойынша 5 жыл ішінде елде 2 миллиард түп ағаш егуі тиіс. Экология министрлігі аймақ басшыларымен тізе қоса отырып, әр өңірде қанша ағаш егілетінін нақты анықтап, іске кірісіп те кетті. Алайда бұл ғаламат ізгі бастама қоғамды қуанышқа бөлей алмады, тіпті назардан тыс қалғандай. Оның орнына биылғы жаз бойы халық өсіп тұрған ағаштардың аянышты халіне алаңдаумен болды.

ЖАП-ЖАҚСЫ ЖОБАНЫ ШАБАН ҚАРҚЫН ҚҰРТАДЫ

Мемлекет басшысы 2020 жылғы 1 қыркүйектегі соңғы Жолдауында Үкіметке 5 жылда мемлекеттік орман қорында – 2 миллиард, ал елді мекендерде 15 миллион ағаш егуді жүктеді. Бұл елімізді қалғандыру және ормандандыру ауқымын күрт кеңейтуге септігін тигізуі тиіс. Яғни, республиканы кең ауқымда жасыл желекке бөлеу бойынша тарихи науқан қолға алынды.

QazEcoTech Ltd ЖШС бас директоры Ұлықбек Сұлтаннұң дегеніне, Экология, геология және табиғи ресурстар министрлігі облыс әкімдіктерімен бірге осы бағытта тиісті жұмыстарды жүргізіп отыр. «Олар әрбір өңір бөлінісінде ағаш отырғызу көлемдерін анықтап та қойды. Нақтылай кетсек, әкімдіктердің табиғат қорғау және орман қорғау мекемелерінің күшімен бастапқы кезеңде жалпы ауданы 464 мың гектарды құрайтын территорияда 1,1 миллиард

түп ағаш егу жүзеге асырылады. Жаңа орманның ең көп көлемі Түркістан, Қызылорда және Жамбыл облыстарының жерінде отырғызылмақ. Бұл ретте ағаштардың үлкен бөлігін сексеуіл құрайтын болады. Ол негізінен Арал теңізінің құрғап қалған түбінде егіледі. Қазақстанның орталық өңірлерінің басым көпшілігінде қарағай, шырша, аққайың секілді орман түзуші ағаш түрлері егіледі», – деді сарапшы.

6 ►►

Биші бейнеті зор, зейнеті қор

Балетке бишілер ерте жас-тан қатысады. Әрі олардың сахнадағы дәурені де өте қысқа болады. Өйткені денелері қатпай тұрғанда сахнада емін-еркін билей алуы мүмкін. Олар жасы келіп, қартайғанша билеп жүре алмайтыны анық. Оның да себебі бар: әр би оңайлықпен келмейді. Қаншама жаттығу жасайды. Арасында құлап, жарақаттанып та қалуы мүмкін. Оның үстіне денсаулығы да сыр бере бастайды. Барлығы бірдей мұғалім бола алмасы белгілі. Сонда не істемек?



Рас, қазір елімізде балет мектептері көптеп ашылып жатыр. Олардың көбі балет ұстазы қызметін атқаруы мүмкін. Болмаса, бишілер шәкірт тәрбиелеп, жеке мектеп ашатын шығар. Бірақ зейнет жасына дейін сахнада жүре ала ма?

БИШІЛЕРДІҢ НЕГІЗГІ КӘСІБІ – БИ

Өнертану ғылымының кандидаты, профессор Тойған Ізім бишілердің ұзақ уақыт сахнада жүре алмайтынын айтып отыр. Ғалым:

«Бір кездері биші, балет әртістерінің зейнет жасын өзгерту туралы ұсыныс көтерілген. Бірақ ол ұсыныс күйінде ғана қалды. Себебі әнші, вокалистер, музыканттар, цирк әртістеріне де зейнет жасын қайтару керек болады деп, заңға өзгеріс енгізген жоқ. Бірақ 20 жыл еңбек өтілі болса, оның жұмыстан шығуына болады. Яғни, белгілі бір пайызда еңбекақы төленеді екен.

5 ►►

«Бәйтерек» тұрғындары мектепке зәру

Осыдан он шақты жыл бұрын тұрғын үй салу үшін жер кезегіндегі азаматтарға Қызылорда қаласынан инфрақұрылымы тартылған жер үлестіріліп, «Бәйтерек» атты жаңа шағынаудан пайда болды. Сонымен қатар осы ауданға «Өтемұратов» қайырымдылық қоры арқылы 100 үй тұрғызылып, пәтер кезегінде тұрған көпбалалы отбасылар мен жалғызбасты аналарға уақытша пайдалануға берілген.

7 ►►



Көңіл айтты

Нұрсұлтан Назарбаев академик Нәдір Нәдірұлының отбасы мен жақындарына көңіл айту жеделхатын жолдады.

Елбасы көрнекті ғалым, Қазақстан Республикасы Ұлттық ғылым академиясының академигі Нәдір Кәрімұлы Нәдірұлының қайтыс болғаны туралы суыт хабарды күйзеліспен қабылдады.

«Нәдір Кәрімұлы саналы ғұмырын мұнай ғылымы мен инженерлік саланы дамытуға арнап, кәсіби биік белестерді бағындырды және ғылыми қоғамдастық тарапынан кеңінен мойындалды. Ол шебер ұйымдастырушы әрі беделді ұстаз ретінде ғалымдар мен педагог мамандардың тұтас буынын тәрбиеледі. «Барбанг» Қазақстан күрдітері қауымдастығының құрметті президенті кезінде еліміздегі қоғамдық келісім мен ұлтаралық татулықты нығайтуға зор үлес қосты», – делінген жеделхатта.

Жауапкершілік кімге жүктелген?

Қазір церебральды сал ауруымен ауыратын адамдардың саны көбеймесе, азайып жатқан жоқ. Медицина мамандары бұл ауру түрі көп жағдайда құрсақта дамыса, кейбір кездері жүре пайда болатынын айтады. Сол үшін дәрігерлер экологиядан бөлек, жоспарсыз жүктілік пен ерлі-зайыптылардың денсаулығына немқұрайды қарауынан туа бітті сал ауруымен дүниеге келетін нәрестелердің саны артып отырғанына алаңдаушылық білдіреді. Ал осындай ауыр сырқатпен ауыратын ересек адамдарды әлеуметтік қолдау қалай жүріп жатыр? Жұрт қатарлы білім алып, жұмыс істеуіне қандай мүмкіндік бар?



Медицина тілімен атасақ, церебральды паралич – дене қозғалысының үйлестірілуіне әсер ететін ми бұзылыстарының тобы. Яғни, балаларда бұл ауру түрін «церебральды паралич» десе, 16

жастан асқаннан кейін жүйке жүйесінің бұзылуына диагнозы қойылады. Өкінішке қарай, әлем елдерінде сал ауруына шалдыққан жандарға жәрдемдесу үшін түрлі технологияны шығарып, мың түрлі ем ойлап тапқанымен, жүз пайыз аяқтан тұрғызуға медицинаның өзі дәрменсіз.

УАҚЫТ ОЗДЫРМАЙ ОТАҒА ЖІБЕРУ КЕРЕК

Бүгінде республикалық оналту орталықтарынан бөлек, мүмкіндігі шектеулі адамдарға арналған жекеменшік оналту орталықтары жұмыс істейді.


(Жалғасы 5-бетте)

Есірткі есті алып барады

Қазір интернет технологиялардың дамуына және синтетикалық есірткілерге сұраныстың тым артуына байланысты есірткі саудасы түрлене түсуде. Бұл бір жағынан есірткінің заңсыз айналымында жаңадан психобелсенді заттардың пайда болуымен де тығыз байланысты. Сауданың басым бөлігі интернет дүкендер, әлеуметтік желілер, киви-әмиян сияқты қосымшалар арқылы жүзеге асырылады. Соның ішінде аноним Telegram каналдар арқылы тарату қатты белең алып отыр.

810-НАН АСТАМ САЙТ БҰҒАТТАЛДЫ

Осы орайда ішкі істер органдары интернет кеңістігіндегі құқыққа қайшы контенттерді бұғаттау мақсатында тұрақты түрде мониторинг жүргізіп келеді. Анықталған интернет ресурстарға серверден ішінара ағыту түрінде шаралар қолданылуда. Нәтижесінде, жүйе қолданушылары олардың қызметтеріне қол жеткізе алмай қалып, көптеген клиентінен айырылған мұндай «онлайн саудагерлердің» беделіне нұқсан келеді екен. Бұл мақсатта Ішкі істер министрлігі «Киберқадағалау» ақпараттық жүйесін енгізген болатын. Бүгінде есірткіні тарату мақсатын көздейтін ақкаунттар мен басқа да ресурстарды бұғаттау бойынша жұмыстар



жалғасуда. Қазір олардың саны 810-нан астам сайтты құрайды.

6 ►►

Мүгедек қайтіп күн көрер?

2015 жылы Қазақстан мүгедектердің құқығы туралы конвенцияны ратификациялаған болатын. Оның талаптарына сәйкес, жарымжан жандар үшін барлық ғимарат пен көлік қолжетімді болуы тиіс. Шын мәнінде солай ма? Солтүстік Қазақстан облысындағы жағдайға үңіліп көрдік.

Мүгедектігі бар адамдар үшін әлеуметтік қорғаудың тиімді жүйесін жасау – мемлекеттің әлеуметтік саясатының басым бағыттарының бірі. 2012-2018 жылдар аралығында елімізде мүгедектердің құқықтарын қамтамасыз ету және өмір сүру сапасын жақсарту жөніндегі үш кезеңдік іс-шаралар жоспары іске асырылды.

7 ►►



